

**Talamdan sa
Mga Mensahe alang sa Full-time Training
sa Spring Term sa 2026**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
UNA UG IKADUHANG TIMOTEO UG TITO**

Mensahe 3

Ang Pagbansay sa Atong Espiritu ngadto sa Pagkadiosnon

Basahong Kasulatan: 1 Tim. 4:7-8; 2 Tim. 1:6-7; 4:22

- I. Ang tawo nga sudlanan, pinaagi sa pagbansay sa iyang espiritu, modawat gyod sa Dios diha ni Cristo nga kahoy sa kinabuhi aron ang kinabuhi nga ingog suba moagay pasulod ug pagawas sa kinasuloran niyang pagkatawo aron matransporma siya ug mahimong bililhong materyales alang sa pagtukod sa Dios, sa walay kataposang pagpadayag sa Dios—Gen. 1:26; 2:7-12, 22; 1 Tim. 4:7-8:**
- A. Nahimong tawhanong espiritu nato ang gininhawa sa Dios, ug ang atong espiritu mao ang suga sa Dios nga sudlan Niya nga lana ug maghayag nato—Gen. 2:7; Prov. 20:27.
 - B. Nahimong nabasag nga suga ang espiritu sa tawo tungod sa iyang pagkahulog, apan pinaagi sa pagpahiuli sa Dios diha sa Iyang kaluwasan, gipanganak pag-usab, gitukod pag-usab, ug gilig-on ang espiritu sa tawo pinaagi sa nagbuhi, gipakusgan sa pito-ka-pilo nga Espiritu—Gen. 2:7; Prov. 20:27; Sal. 18:28; Juan 3:6; Bug. 4:5; 5:6; 1 Cor. 15:45b.
 - C. Makasusubo nga tungod sa pagkahulog, dili lang nga wala makakita ug wala magtagad ang mga tawo sa tawhanong espiritu kondili dili man ngani sila moila nga dunay espiritu ang tawo—itandi sa 1 Tes. 5:23; Heb. 4:12; Jud. 19.
 - D. Kon tinuod tang naa sa atong espiritu, makita nato ang trono nga gipahamutang sa langit nga dunay Usa nga naglingkod sa trono, ug gipalagpot ang kaugalingon—“Naa dayon ko sa espiritu; ug ania karon, dunay tronong gipahamutang sa langit, ug dihay Usa nga naglingkod sa trono” (Bug. 4:2); “Moagay untang espiritu ko, / Moagay unta! / Naghangyo ko Nimo, O Ginoo, / Di na ko mosalig, / Sa kaugalingon, / Buhing tubig moagay’s esp’ritu ko” (*Mga Alawiton*, #846, estansa 5; tan-awa ang Heb. 4:16, nota 1, ug Ezeq. 1:23, nota 1).
 - E. Ang sentrong pangagamhanan ug labing mahinungdanong bahin sa tawo mao gyod unta ang iyang espiritu; ang tawong gibu-an ug gikontrol sa iyang espiritu espirituhanon nga tawo—1 Cor. 2:14-15; 3:1; 14:32; Efe. 3:16; 1 Ped. 3:4; Dan. 6:3, 10.
 - F. Ang espiritu nga kinahiladmang bahin nato mao ang sulodnong galamhan, nga dunay pamatyag sa Dios, aron makakontak ta sa Dios (Juan 4:24; Rom. 1:9); ang kalag mao ang kaugalingon mismo (itandi sa Mat. 16:26; Luc. 9:25), nga nagpatunga sa atong espiritu ug sa atong lawas, nga dunay pamatyag sa kaugalingon, aron duna tay personalidad; ang lawas nga bahin nato nga makita mao ang galamhang makita, nga dunay pamatyag sa kalibotan, aron makakontak ta sa materyal nga kalibotan (1 Tes. 5:23):
 - 1. Nasulod sa lawas ang kalag, ug ang kalag maoy sudlanang gisudlan sa espiritu; nagpuyo sa espiritu ang Dios nga Espiritu; nagpuyo sa kalag ang atong kaugalingon; ug nagpuyo sa lawas ang pisikal nga mga pamatyag.
 - 2. Ang atong espiritu maoy kinahiladmang bahin sa atong pagkatawo, ang espirituhanong galamhan nga inugkontak nato sa Dios (Juan 4:24; Rom. 1:9); diha sa atong espiritu ta gipanganak pag-usab (Juan 3:6); diha sa atong espiritu nagpuyo ug nagbuhat ang Espiritu Santo isip yawe sa organicong kaluwasan sa Dios, sa Iyang paghimong Dios, ug sa Iyang “paghimong Cristo” sa tibuok natong pagkatawo; diha sa atong espiritu nagpahimulos ta ni Cristo ug sa Iyang grasya (2 Tim. 4:22; Gal. 6:18).

3. Gibalaan ta sa Dios, una, sa pagpanag-iya Niya sa atong espiritu pinaagi sa pag-anak pag-usab (Juan 3:5-6); ikaduha, sa pagpakaylap sa Iyang Kaugalingon nga Espiritung taghatag-og-kinabuhi gikan sa atong espiritu nganha sa atong kalag aron masuropan ug matransporma ang atong kalag (Rom. 12:2; 2 Cor. 3:18); ug sa kataposan, sa pagpabuhi sa atong lawas nga dunay kamatayon pinaagi sa atong kalag (Rom. 8:11, 13) ug pag-usab sa dagway sa atong lawas pinaagi sa gahom sa Iyang kinabuhi (Fil. 3:21; tan-awa ang mga nota 2 ug 3 sa Heb. 4:12).

II. Ang pagtukod sa Dios nganha sa tawo pulos gihulagwayan sa tabernaculo ug sa tabon-sa-dughan, ug ang yawe sa balay sa Dios mao ang atong nasagol nga espiritu:

- A. Ang mga balabag nga nagpausa sa mga tabla sa tabernaculo, nga hinimo sa kahoyng acacia nga gihal-opag bulawan, nagtimaan sa nasagol nga espiritu, nga mao ang diosnong Espiritu nga nasagol sa tawhanong espiritu, aron mahimong bugkos sa panagdait nga nagpahiusa—Exo. 26:26-30; Rom. 8:16; Efe. 4:3-4.
- B. Sa Bag-ong Tugon, ang realidad sa Urim ug Thummim nga gibutang sa tabon-sa-dughan mao ang nasagol ang espiritu—ang nagpadayag nga Espiritu sa Dios, ang Espiritu Santo, nga nagpuyo sa atong espiritu nga tigdawit, sa gipanganak pag-usab nga espiritu nato—Exo. 28:30 ug mga nota 1, 2, ug 3; Rom. 8:4, 14; 1 Cor. 2:9-12.

III. Ang diosnong Espiritu nga nagpuyo sa tawhanong espiritu nato ug ang duha nga nasagol isip usa ka espiritu, ang nasagol nga espiritu, mao ang mahinungdanon kaayo ug sentrong punto sa pamatigayon sa Dios—Juan 3:6; Rom. 8:16; 2 Tim. 4:22; 1 Cor. 6:17; 1 Tim. 1:4; 2 Cor. 4:13:

- A. Ang dako kaayong paagi sa pagtuman sa pamatigayon sa Dios kana mang magkinabuhi ug magbuhat ta sa tanan uyon sa Espiritu pinaagi sa paggamit sa atong espiritu—Job 10:13; Efe. 3:9; Rom. 8:4; Gal. 5:25.
- B. Moliso ngani ta sa atong espiritu ug mogamit niini, makontak nato ang Lawas, kay naa man sa atong espiritu ang Lawas—Efe. 1:17; 2:22; 3:5, 16; 4:23; 5:18; 6:18.
- C. Naa ngani ta sa atong espiritu, makadaog ta sa kalibotan, dili ta makasala, dili makatandog nato ang daotan, ug mabantayan ta gikan sa mga diosdios—1 Juan 5:4, 18-19, 21.

IV. Ang gihisgotan sa 2 Timoteo mao ang pagbakuna batok sa pagkadaot sa iglesia, ug ang labing maayong paagi nga mabakunahan ug makabakuna ta aron motubo sa kinabuhi ug makapahimulos ni Cristo ang mga balaan mao ang pagbansay o paggamit sa atong espiritu, nga mao ang pagpadilaab sa atong espiritu nga hinatag sa Dios—Fil. 1:25; 1 Tim. 4:7-8; 2 Tim. 1:6-7; 4:22; Buh. 6:10; 1 Cor. 14:32:

- A. Ang pagkadiosnon, nga pagkinabuhing nagpadayag sa Dios, maoy lugwa sa diosnong pagpaambit alang sa diosnong pamatigayon, ug nag-agad kining pagpaambita sa pagbansay sa atong espiritu aron ikinabuhi si Cristo sa adlaw-adlaw natong kinabuhi aron hiniusang mapadayag ang Dios diha sa iglesiahonong kinabuhi—1 Tim. 1:3-4; 3:15-16; 4:7-8; 2 Tim. 1:6-7.
- B. Nagpasabot og pagpugos ang pulong *bansaya*; kon gustong magmakusganon ug motubo diha sa Ginoo kitang mga Cristohanon, pugson gyod nato ang atong kaugalingon sa paggamit sa atong espiritu hangtod maanad na kaayo ta nga magbansay sa atong espiritu—1 Tim. 4:7.
- C. Ang pagbansay sa atong espiritu pagpadilaab man nato sa atong espiritu—2 Tim. 1:6-7:
 1. Gihisgotan sa 2 Timoteo 1:6 ang “gasa sa Dios,” ug gipakita sa versiculo 7 nga ang gihatag sa Dios kanato mao ang atong espiritu nga gipanganak pag-usab, ang atong nasagol nga espiritu, sa gahom, sa gugma, ug sa katin-aw sa hunahuna; busa, ang gasa sa Dios mao ang hinatag-sa-Dios nga espiritu nato.
 2. Kitang mga naluwas na dunay puhonan nga magkinabuhi sa Cristohanon ug iglesiahonong kinabuhi, ug kini nga puhonan mao ang hinatag-sa-Dios nga espiritu nato.
 3. Naa ang kalayo sa gipanganak pag-usab nga espiritu nato, nga gipuy-an sa Espiritu Santo; sa pagkatinuod, ang atong espiritu mao ang kalayo—Luc. 12:49-50; Rom. 12:11; Bug. 4:5; Prov. 20:27.
- D. Aron mabansay ang atong espiritu, aron mapadilaab ang atong espiritu nga hinatag sa Dios, magtagad gyod ta sa mga bahin sa atong kalag nga naglibot sa atong espiritu—sa atong salabotan, pagbati, ug pagbuot—itandi sa 1 Ped. 3:4:

1. Ang espiritu sa gahom espiritu nga dunay pagbuot nga nabuntog ug nabanhaw, ang espiritu sa gugma espiritu nga dunay pagbati nga napuno sa Dios nga gugma, ug ang espiritu sa katin-aw sa hunahuna espiritu nga dunay salabotan nga nabag-o—2 Tim. 1:7.
 2. Ang atong hinigugmang Ginoong Jesus mao ang Magbalantay ug Maglalantaw sa atong kalag; ang atong kalag mao ang atong pagkatawo sa sulod, ang atong tinuod nga persona; giatiman ta sa atong Ginoo sa pag-atiman Niya sa kaayohan sa atong pagkatawo sa sulod ug sa paglantaw Niya sa kahimtang sa atong tinuod nga persona—1 Ped. 2:25; Sal. 23:1-6; itandi sa Heb. 13:17.
 3. Kay nadugtong man sa mga bahin sa atong kalag ang pagbansay sa espiritu ug mahinungdanon kaayo sa pagkinabuhi nato diha sa realidad sa pamatigayon sa Dios, mobulig gyod ta sa atong Ginoo sa langitnong pagpangalagad Niya pinaagi sa “paglig-on sa mga kalag sa mga tinun-an”—Buh. 14:22.
 4. Ang paglig-on sa kalag sa mga tinun-an paglig-on man kanila (1) sa ilang salabotan, aron makaila ug makasabot sila sa Ginoo ug sa mga butang kalabot Niya (1 Cor. 2:16; Fil. 3:10); (2) sa ilang pagbati, aron mahigugma sila sa Ginoo ug magtinguha sa Iyang gitinguha (Mar. 12:30; Rom. 16:4); ug (3) sa ilang pagbuot, aron magmakusganon sila nga magpabilin uban sa Ginoo ug mobuhat sa mga butang nga makapahimuot Niya (Buh. 11:23; Col. 1:10; 1 Tes. 4:1).
- E. Ang pagbansay sa atong espiritu, ang pagpadilaab sa atong espiritu nga hinatag sa Dios, pagkalipay man kanunay, pag-ampo sa walay pag-undang, ug pagpasalamat sa tanang butang aron makapahimulos sa nagpuyo-sa-sulod nga Espiritu nga mao ang sekreto nga makahimo ta sa tanang butang diha ni Cristo—2 Cor. 12:2; Fil. 4:11-13; Sal. 91:1; 1 Tes. 5:16-18.
- F. Ang pagbansay sa atong espiritu, ang pagpadilaab sa atong espiritu nga hinatag sa Dios, pagpatumong man sa atong salabotan sa espiritu—Rom. 8:6; Mal. 2:15-16:
1. Ipatumong ngani nato sa espiritu ang atong salabotan, naa tay sulodnong pagbati sa kinabuhi ug kalinaw, ang pagbati sa kalig-on, katagbawan, pahulay, kagawasan, kasadya, pagbisbis, kasanag, ug paglipay.
 2. Ipatumong ngani nato sa unod ang atong salabotan, naa tay sulodnong pagbati sa kamatayon, ang pagbati sa kaluya, kahaw-ang, kaalingasa, kawalay-pahulay, kaguol, kauga, kangitngit, ug kasakit.
 3. Dili segun sa sukdanan sa husto ug sayop ang atong Cristohanong kinabuhi; segun hinuon kini sa sulodnong pagbati sa kinabuhi ug kalinaw diha sa atong espiritu—Rom. 8:6; 2 Cor. 2:13-14.
- G. Ang pagbansay sa atong espiritu, ang pagpadilaab sa atong espiritu nga hinatag sa Dios, pagila man sa atong espiritu gikan sa atong kalag—Heb. 4:12:
1. Magbantay gyod ta kanunay nga makaila ug magdumili sa bisan unsang dili iya sa espiritu kondili iya sa kalag, sa kaugalingon—Mat. 16:25; itandi sa Luc. 9:25.
 2. Bisan unsa ta, bisan unsay naa nato, ug bisan unsay buhaton nato, naa gyod unta sa espiritu; unsa ang Dios alang nato naa tanan sa atong espiritu—Rom. 2:28-29; 1:9; 8:4; 12:11.
- H. Ang pagbansay sa atong espiritu, ang pagpadilaab sa atong espiritu nga hinatag sa Dios, pagkinabuhi man sa normal nga Cristohanong kinabuhi, pagbatasan sa normal nga Cristohanong iglesiahanon nga kinabuhi, ug pagdaog sa pagkadaot sa iglesia pinaagi sa pagpursigir nato ni Cristo uban sa mga nagtawag sa Ginoo gikan sa putling kasingkasing—2 Tim. 2:22.
- I. Ang pagbansay sa atong espiritu, ang pagpadilaab sa atong espiritu nga hinatag sa Dios, mao ang pag-ampo, personal ug masaligong pagduol nato sa Dios, alang sa mga tinguha sa Dios—si Cristo, ang gingharian sa Dios, ug ang balay sa Dios—nga mao ang tumong sa walay kataposang pamatigayon sa Dios—1:6-8; 1 Tim. 1:3-4; 2:1-3, 8; 1 Hari 8:48; Jud. 19-21.